

People plus

NOU PARTI, NOU LALIT
PLI DETERMINEN KI ZANMEN

SESEL I ROUZ; DAN LEKER, LO LAPLENN, LO MEDYA SOSYAL

Dan leker Seselwa i annan en determinasyon pour ranport sa eleksyon pourki nou kontinyen lo sa semen progre trase depi 1964; kan nou parti ti liber Seselwa kont vre lenzistis, laprovrete e viktimizasyon en gouvènmàn kolonyal. Depi sa en travay pour batir Sesel, donn Seselwa idantite, dignite, laliberte, legalite dan loportinite, en lavi desan e konfortab in ganny fer. Ozordi ler in ariv ler pour anmenn sa progre lo en lot nivo, nou ganny en group dimoun dan en parti politik apele LDS ki pou vin bat latet Seselwa e dir ki Seselwa pe mor lafen,

Seselwa pe ganny viktimize, Seselwa i enferyer.

Eski LDS i krwar ki sa parti ki depi 1964 pe defann e protez Seselwa pou les zot remet bando lo lizye Seselwa? Dan en milyon lannen, non. Si i annan en keksoz zot in fer se fer Parti Lepep pli determinen ki zanmen pour protez sa pep kont endividi egois e engra ki konn zis zot lekor. Zot servi lezot koman peron pour ganny larzan, e la zot oule servi ledò Seselwa pour ganny pozisyon ek prestiz dan Lasanble.

Parti Lepep in fini dir zot ki son bann dimoun konpare ek zot pe vin travay pour

sa pep. Dan Lasanble napa zis prestiz i annan lonnekte e lwayote en group serviter lepep. En mesaz tre kler pour pep Seselwa. E Seselwa i fer konfyans Parti Lepep. Se pour sa rezon ki dan leker tou Seselwa i annan en lwayote pour sa kouler rouz ki reprezant Parti Lepep, lo medya sosyal nou war Parti Lepep pe venker e dan Sesel partou, lo tou sa laplenn kot nou miting ek rali pe fer, Seselwa pe kontinyen montre sa determinasyon pour fer Sesel rouz.

Rouz i en kouler konviksyon profon pep Seselwa anver Parti Lepep, e zot dezir pour war plis progre!



BAGAR ARPAN VER

Bagar in pase semenn pase Arpan Ver apre ki Wavel in dekouver ki dan son maryaz ek lalyans ti ranpli ek viper. Sekirite ti bezwen mele pour met lape. Wavel note, ki nou tande sa zis bouton !

Wavel Ramkalawan in tro fer pandan sa detrwa mwan depi Desanm ki la aprezan tou son mal fe pe refoul ek li enn deryer lot. I ti servi Lalyans Seselwa pour ganny lavwa e sipor pour ensilte nou bann dirizan, e in servi tou mwayen pour sey ganny pouvwar pour son bann

dalon vin benefisyé lo lasyer sa pep.

Sa ki ti pou sorti Langleter, Ostrali, Kanada tousala ti'n fini met zot pare pour vin pran zot kopo dan sa Sesel ki zot pa ti oule an premye lye, apre ki nou gouvènmàn e parti in travay pour devlope e fer Sesel vin en bizou dan lemonn. Isi menm ti annan detrwa biznesmenn ki ti'n pare pour fer soufer Seselwa ; zot kasyet zot kouler me zot ti pe esper ek pasyans pour Wavel ganny pouvwar pour zot vin kontrol Sesel e fer soufer lamazorite lamas ki zot toul-

tan dir Parti Lepep tro soutire. I annan zot ki en kote lipye ti ek Wavel, en kote ti ek Prezidan Michel aköz Wavel ti'n anbet zot lespri ki i ti pe al ganny eleksyon.

Lanatir pa'n kontan. Konmdir Per Lafortune zot kanpanny pil lo li, in an ven aköz zot pa'n al o profon pour servi zot lentelizans pour realize lo ki zot ti pe vremen pile. E la zot lalang pe fer zot lasomwar. Zot pe war pour zot menm ki kalite imen defas zot ete. Ki Wavel ti krwar, sa bann zans in trai zis Parti Lepep? Once a traitor, always a traitor!

SESELWA, DIR LOPOZISYON KILE, E LES ZOT TRANKIL!

Get sa bann kalite dimoun ki Goule antre dan nou Lasanble pour vin ganny larzan lo ledo Seselwa? En bann dimoun ki fer nenport kwa pour

larzan ; ki enkli menm pers ledo kanmarad ek en kouto nanm sennan.

Nou pa bezwen sa bann kalite Onorab. Lepep Seselwa i bezwen

travayer e non pa siser. Nou bezwen lonnekte e lwayote e nonpa tret.